

# انت عنوانی



مطبوعات الفجر  
29

## شعر منی عوض

تقديم  
د . يسرى العزب

مطبوعات الفجر  
تصدر عن جماعة الفجر الأدبية بالقاهرة

المشرف على التحرير

دكتور بسري العزب

المراسلات باسم: المشرف على التحرير  
الجيزة - أرض اللواء - فيصل  
١١ ش محمد منصور  
تليفاكس ٥٧٠٢٢٤٢

لوحتا الغلاف والرسوم الداخلية  
للفنانة منى عوض

# الإهداء

إلى من بداخلي  
إلى الكون .. والوجود  
القلب .. والصمود  
إلى الوطن .. والحب .. والإنسان..  
إلى أغلى الناس..  
إليك ..  
أهدي هذا الديوان

منى عوض

٢٠٠٥/٤/٧



# انت عنواني رؤية في النور

تقديم بقلم الدكتور يسرى العزب

- ١ -

جملة خبرية صارمة تفتح الطريق رحبا إلى  
هذا الديوان .. (انت عنواني). وهي مع إحكامها  
الخبري جملة موحية إلى حد بعيد.. ففي ديوانها  
الأول .. (أه يا وطن) حيرة.. وتردد.. وتوجع..  
وبحث عن وطن لا تجده كاملاً.. وطن يتساوى في  
نقصه معه في فقدته.. لكنها في ديوانها الثاني تؤكد  
أنها عرفت طريقها إليه.. فسعت.. لتحافظ عليه..  
وتمتلك أدوات القدرة على ذلك.. وكانت أهم هذه  
الأدوات التي اكتسبتها الشاعرة الفنانة المهندسة

﴿٥﴾

الإنسانة المحبة.. هي الإصرار على الاحتفاظ بهذا  
الحب الكبير لذلك الوطن الغالي.. يتأكد ذلك منذ  
القصيدة الأولى (بعد الليالي):

راح اجري عليك  
وأمسك إيديك  
وأكون لك لوحذك

ويتأكد أكثر في قصيدة (م الآخر):

يا وطني يا اللي واخذني  
يا نني ف عيني شاددني  
أعيش لهواك  
واحبك موت  
ولا أسلاك  
ولا تأخر  
ما هو انت الري والهدمة

وإنت الضىّ والعتمة  
وإنت النيل بيرويني

- ٢ -

ولتحقيق هذا الإصرار تمتلك الشاعرة القدرة  
على الصفح والتسامح كما نرى في قصيدة  
(صورة):

هافضل اسامحك  
واحمل جرحك  
طول ما هواك بيظلل قلبي

- ٣ -

وتمتلك أيضا القدرة على القبض على حبها  
للمحبيب والرضا الجميل بالذوبان فيه.. وهو ما  
نراه في قصيدتها (خروج) :

﴿٧﴾

---

قلبي اللي داق طعم الهنا  
مش راضي ليه ينساك؟  
بيدقّ لك وانت  
دايما بتاخده معاك.

- ٤ -

وهل الهدف الذي تسعى الرؤية الشعرية  
الرائقة للوصول إليه يستحق منها كل هذه المجاهدة؟

تجيب على هذا السؤال قصيدة (لما تيجي):

يقيني لما بتجيني  
مدن جَوّاي بتفتّح  
بدن بهواي بيصّبّح  
وورد الكون يناديني  
شذى بلّقاك الأقيني  
وأتحول إلى بستان



من أجل هذا الاكتمال الجميل يتحمل المحب  
وهو في رحلة سعيه إلى هدفه / المحبوب.

- ٥ -

وفي جنة الانتماء يصير كل شيء جميلاً  
ورائعاً حتى النار نفسها تصبح هكذا في قصيدة  
"انت عنواني" وهي عنوان الديوان:

جريت للنار  
لقيت النار  
بقت أنوار  
وبتصبح

- ٦ -

وهكذا تؤكد الشاعرة المهندسة منى عوض  
موهبتها الشعرية بمجموعة شعرية جديدة.. تتألق  
على غلافها وداخلها لوحاتها.. تضيف إلى

(٩)

مجموعتها الأولى الكثير من الإنجازات الجمالية..  
تحية لها ومزيذا من الأمل في دوام تفوقها.

**دكتور يسرى العزب**

٢٠٠٥/٤/٨

## بعد الليالي

بعد الليالي  
واعد الثواني  
لوجودك .. يا غالي  
لما تيجي ثاني  
\* \* \*

باتنفس هواك  
وباعشش معاك  
وامشي ف حماك

وفرحي لقاءك  
وفرحك وصالي

\* \* \*

دي الدنيا بحالها  
ما يغني جمالها  
عن بهجة بانولها  
واحس بدلالها  
بقربك يا غالي

\* \* \*

دول لسه يومين  
أجيبهم منين  
وامشيهم لفين  
في قلبي أنين  
مش راضية بحالي

\* \* \*

واستني الليالي

لما تيجي تاني  
أغمض وأفتح  
واشوفك قبالي

\* \* \*

راح أجري عليك  
وأمسك ايديك  
واكون لك لوحديك  
وانسى اللي جرى لي

\* \* \*

ولا تقدر تخبي  
عن قلبك وقلبي  
هو أنا يا حبي  
وده أغلى مالي.



## وجع البعاد

فراق الحبايب  
ده صعب وطويل  
يخلي اللي غايب  
وجود مستحيل  
يخلي دروبنا  
تغرق قلوبنا  
ولا نشوف حبيبنا  
سوى طيف جميل

بيجي ف صباحنا  
يداوي جراحنا  
ويمسك في روحنا  
ويبقى الدليل

\* \* \*

يغيب الحبيب  
ويفضل في قلبي  
أشوفه بحبي  
وأحتاج حنانه  
وأشتاق إليه  
أعشش مكانه  
ومطرح ما يبقى  
أنا ابني له عشه  
أفرح عيني  
ببيته وأرشته  
جواهر تلالي



بحبك يا غالي

\* \* \*

وأفضل بحبك

أعيش جوده قلبك

وأمشي بخطوك

وأسافر لدربك

وإنت معاي

تضل عليّ

ويبقى هوأنا

وقصة لقانا

حكاية تقولها

سطور الليالي


\* \* \*

ومهما تفارق

هترجع لي تاني

دي روحك هواي

وقلبك زمني  
ونبضك معي  
وعشك مكاني.



# كأنني


كأنني ف يوم ما قبلتُش في حبك زي ولا شفتُش في  
يوم مقسوم لقلبك ضي غير حبي وغير قلبي وأتمني  
أعيش بهواك، وأتهنى معاك على طول، وأستني  
بيجي بكرة عشان بعدك ما عني يطول، والاقيني  
أكون جواك ويرويني نعيم لقياك، أشوف قلبي  
بيرجع لك، لا يتجافى ويتعافى بدفا وصلك ولا يسلك  
طريق تاني ولا يعرف سوى قلبك وإنْت هواه وهو  
دربك المشتاق وإنْت الحب في الأعماق وصهد  
القلب تحت الجلد جوه النبض في الشريان وفي  
الأغصان وفوق السطر في الأوراق..



## جوه قلبي

يا ريت أقدر أكون وياك  
بعيد أسهر عليك أراك  
قريب شايلاك على جفوني  
ويتهنى معاك قلبي  
وتبقي فجري وصباحي  
ما هو انت عمري وبراخي  
وتفضل جوه في الأعماق  
وحبي فوق سما الأوراق  
بتتسلل وتتمخطر وتتحول  
لدقات تمشي في نبضي

أمان يجري وبيهدي  
ولا يسمح بأي فراق  
حنان يسري وبيهدي  
ويتغلغل مع الأعماق  
وفي الأعماق.



## م الآفر

يا وطني يا اللي واخذني  
يا نني ف عيني شاددني  
أعيش لهواك واحبك موت  
ولا أسلاك ولا اتأخر  
ما هو انت الري والهدمة  
وانت الضي في العتمة  
وانت النيل بيرويني  
تغطيني تدفيني  
وتبقي عيلتي واللمة  
مع الصحبة مع الضمة

مع الأنوار بتتلاّ  
وقلبي لما يترقرق  
وبيزقزق أمان حواليك  
يا أرضي ونوري وعينيّ  
وأيام حلوة مروية  
يا بحر حنان بيسقيني  
ونهر أمان بيرويني  
وتفضل إنت أوطاني  
شراييني وعنواني  
وفارس يملا غيطاني.





# النور

يا حبيبي إنت لي  
كل أيامي الهنية  
وانت أحلامي اللي جاية  
والليالي بيك عفية

\* \* \*

دا انت جواي .. وأكثر  
وانت في سماي تتور  
والرضا بهواي يكبر  
وانت وياي ف عيني

\* \* \*

دا اللقا وياك عبادة  
والرؤي برضاك سعادة  
والهنا بقربك قلادة  
تجعل العيشة رضية

\* \* \*

دا انت حسنة فوق جبيني  
في الهوي روحي وحنيني  
وانت في الأيام معيني  
يهدا وجدي لما تدي  
وترسي على شطك سفيني

\* \* \*

لما تيجي بادوب بحبك  
بارتفع وأعلا بقلبك  
وانحني واتملا رسمك  
وانتني واحلا بإسمك  
قلبي يبغي لك وسادة

# صورة

ها فضل اسامحك واحمل جرحك  
طول ما هواك بيظلل قلبي  
طول ما انا صبحك يفضل فرحك  
فرحي معاك ويهلل دربي  
ها فضل فيك وتشيلني عينيك  
مش هتشوف غير صورتني وحبني  
بيتي هواك مفتاحه معاك  
مش راح يفتح إلا بقلبي

\* \* \*

آه لو تعرف .. حبك قادر

يبقي كلامك لي أوامر  
بص عليّ بس وشاور  
دقات قلبي بتقول حاضر  
تجري عليك وتقول أنا جاية  
\* \* \*

أصل أنا حبك وانت حبيبي  
قلبي لقلبك هو نصيبي  
يهدا هواي وانت معاي  
تبقى ورود الكون جواي  
رايحة وجاية بيك تتمايل  
\* \* \*

كل آلام العمر تروح  
لما كلام الفجر يصبح  
ويا سلام وعيني تفتح  
لما أشوف صورتك يا حبيبي.

## راحة الأيام

لكن أنا عايشة با تالم  
في قربك لما تتكلم  
في بعدك لما اشتاق لك  
وقلبي لما يحتاج لك  
وروحي لما تنده لك  
وانت بتاخذك الأيام  
وتيجي على ويا كلام  
لا أشوف وياك بأحلامي  
ولا أرتاح في أيامي  
وأمشي بعيد وأنا ضلك

وأرجع خطوتين قدام  
ألاقي الخطو يرجع لك  
والقي نفسي في قلبك  
ولا أعرف أشوف غيرك  
ولا يديني غير حبك  
يحلي مرارة الأيام.



## رَبُّوْءُ

ولقيتني بامشي بعيد  
والقلب كان بينن  
لايس هدم العيد  
مدبوح بشك وظن  
خايف ودمعه شريد  
حالف ليبي وحيد  
مش لاقى بحر امان

\* \* \*

وفي وسط توهة الألم  
والبعد ويا الندم  
لقيتني بارجع لك  
ولقيتك انت كمان  
بالحب والشوق جاي  
وخطوتك بتعيد  
أنغام كما الأحلام  
ضاعت زمان منا  
رجعها صوت الناي  
لما رجع لي هواك  
وأحلي أيامنا  
دورت أشوف قلبي  
لقيته جواك كن  
وانت من تاني  
راجع لعنواني  
قلبي لقلبك حن.



# انصار

مصهور يا قلبي بالعذاب والحب راجع سكتك،  
مكسور بحبي بالألم والصب عاشق دنيتك، وانت  
برضه بتعشقه وتعيش هواه، وقت اللزوم بتونسه  
وتكون ضياه، ترجع إليه مهما تكون ماشي بعيد  
ويعود إليك مهما نوى يبقى وحيد، ما هو أصله هو  
دنيتك وانت برضه دنيته، يدفي معاك وتونسه بحنان  
رضاك وهو اك بيبقى جنته ويعيش معاك في جنتك.



## محتاجة لمان

كان قلبي دفيان م الوفا  
يعشق ولا يعرف جفا  
ويطير إليك ويكون شاريك  
طول ما انت تسرى بالصفاء  
والحب بيك هو الدفا  
وانت بتحميمه من الزمان

\* \* \*

قلبي أنا عارف كمان  
إن انت زيه بتعشقه  
يرجع إليك لما يطير  
ويقول وانت تصدقه  
ويكن فيك وانت سعيد

شاي ف بأنه طير جميل  
بيشوف هواءك مع حبه عيد  
وانت ليه تبقي الدليل  
والفل والياسمين يزيد  
والدنيا تبقى وردته  
لما بترويهاف تفيض

\* \* \*

وانا لسه قلبي مستخبي  
قاعد في قلبك ينتظر  
البدر يطلع والسحر  
وانت تدي له الأمان  
ما هو أصله محتاج للدفا  
محتاج إليك تديه حنان  
إديه كمان  
كمان

كمان  
كما .....


## قلب واحد

قلبي كان عايز يكون لك  
إنت وحدك  
راح وفاتتي  
تاني عندك  
والهوى كان زي بعدك  
نار وبتخلص عليّ  
والنوى محاوطني دار  
بالتقى ف جدرانها صورتك  
لما بتشوفها عينيّ  
تطرح الأشواق سؤال

وانت وياي وفي  
مش مخليني أفكر  
إني من غيرك راح أقدر  
أمشي في خطوة عفية  
وانت بتهنيني واكثر  
لما ترضيني بحبك  
لما تدينني بقلبك  
لو تجافيني راح اسهر  
أنتظر تيجي إليّ  
وقلبي مشتاق لك بودك  
هوّ شايف إنه نبضك  
اللي بيه الدنيا تحلى  
وانت فيها  
تبقى أحلى  
بس قلبي لسه عايز  
يبقي ساكن فيك وحارس

كل أيامه التي جاية  
لاجل يبقى الحب دائما  
لما تحفظ له عهوده  
لما تحمي له حدوده  
لما أبقي لك بقلبي  
وانت تبقي لي اللي لي







# ٣-٢-١

الأولة .. آه  
والثانية .. آه  
والثالثة .. آه .. يا وطن.. يا اللي بتعاني  
أنا وياك بأشجاني  
وأفراحي وأحزاني  
وانت الدمعة في عينيّ  
وكلمة مش مطاوعاني  
أقولها لك تيجي فيّ  
يا وطني لما بارجع لك  
باشوفك حضن وبتقسي

تغني واحنا نسمع لك  
بصوت مجروح ولا تنسي  
ولا عايز تكون دفيان  
وقلبي بيك يكون شبعان  
ويدي لك وتدي له  
وتبقي له منار وأمان  
وعايز تبقي فيّ .. الآه  
مع الالهات بوجداني  
عشان الجرح ويا أساه  
يعود وياك حبيب تاني  
وأنا لم .. تجيب لي دواه  
وتتحكم في أحزاني  
تداويني .. ما أقولش الآه  
وأنسى كل أشجاني  
تفرّحني وتجرحني  
أقولها بقلبي من تاني.

# الدوا

وباقى العمر ما بيسمح أكون جرحك  
ولا يسمح تكون جرحي  
ولا ينفع أدوق المر فى حبك  
ولما انت تكون فرحي  
وتيجي عليّ وبتتسى  
وببقى اليوم معاك عديّ  
ما باقى منه غير ومضة  
تتور لي طريق بكرة  
تصور لي أشوف فكرة

وأقولها لك عشان تفضل  
نسيم يسري  
وانت معاي بتظلل  
سنين عمري  
ما أتغير  
ولا أعرف أشوف أبدا  
سواك انت  
ما هو انت الفرح في قلبي  
وانت الصبح في دربي  
وبيك تحلو أحلامي  
وأنا وياك بأنغامي  
وأقولها لك كمان مرة  
دا باقي العمر ما بيسمح  
أكون جرحك  
ولا يسمح تكون جرحي.

# فروج

باخرج أنا  
من تحت تأثيرك  
اليوم سنة  
قلبي اللي داق طعم الهنا  
مش راضي ليه ينساك  
بيدق لك وانت  
دايما بتاخذه معاك  
عايزه يكون طيرك  
اللي ما لوّش غيرك  
يعصاني لما أقول  
السكة مش سالكة

والحب ليك هيزول  
واهي ماشية بالبركة  
دقاته بتروح لك  
نبضاته تنده لك  
وتسييني أستنى  
ترجع معاك قلبي  
علشان ما أتهنى  
ولقائك يكون دربي  
أستنى واخرج أنا  
من تحت تأثيرك  
وف عز ما باخرج  
ما اعرف أشوف غيرك.

## لما تيجي

يقيني لما بتجيني  
مدن جواي بتفتح  
بدن بهواي .. بيصبح  
وورد الكون يناديني  
شذى بقلاك ألاقيني  
وأتحول إلى بستان  
وقل ونور على الفستان  
والقلاك لي شط أمان  
وتبقى قلب يديني  
ويملاني نعيم وحنان  
لأنك بحري وسفيني

أجي لك وقت ما أجي لك  
ألاقيك وقتها تجيني  
وانسى المي وأنيني  
واشوفك حبي وحنيني  
لأنني الروح في أيامك  
وانت النني في عيني.





## انت عنواني

وقفت كثير على بابك  
ورجلي مش مطاوعاني  
عشان أدخل لمحرابك  
واعرف جوه عنواني  
لقيت حواليّ أحبابك  
جيش بالقوة دافعاني  
وشفت النور بيجذبني  
لقا وحضور يدوّبني  
هنا وسحر يشبّعني

يكفيني  
يصاحبني  
يدور بيّ  
وانا وياك باطير بهواك  
واعشش عند أعتابك

\* \* \*

طرحت الخوف من الأيام  
ومن بكرة ومن بعده  
رجعت أشوف معاك أحلام  
تقول الله على وعده  
لقيت خطاويّ ماشية قوام  
تقول ما احلاه على عهده  
ووجدك إنت جواي  
وعندك تحلا أيامي  
وأشوف الكون بقى مراية  
وإنت الأصل قدامي

وانت الحب وانت القلب والقوة  
وانت الصب يسندني ويبقي لي ميت عزوة

\* \* \*

مليت الدار علي ورود  
معاك تنبض وتفتح  
جريت للنار  
لقيت النار  
بقت أنوار  
وبتصبح  
بقيت وياك بافتح بيك  
وادوب في لقاك  
واروح  
واعيش أيامي باستنى  
آجي أرضك واتهنى  
وألقي عندك الجنة  
واسجد ليلي واتمني

ما يوم عنك هتبعيني  
أقوم ألاقيك بتسندني  
وتحمي خطوتي لقدام.



# عتاب

أنا والقلب  
والأحزان  
في سكة مش بترجع لك  
ملانة بموت  
وطعم بارود  
وناس تدعي وتتده لك  
وانت شافها وبتهلك  
وانا بتسييني وياهم  
ولما تجيني بانساهم  
ولا أبقي غير الإنسان  
أعيش بالحب والخلان  
وأرجع ليك وأتمنى

أكون وياك وأتهدى  
وأنسى كل آلامي  
وحبك يملأ أيامي  
وحتى غيري لما يموت  
وحق يضيع ومش يعود  
شباب بيروح من الدنيا  
خراب والروح بتتألم  
عذاب وهوان بيتكلم  
وأحباب ليك راحوا في ثانية  
عتابي مش عشان الموت  
دا أمر بيبقى متقدر  
ولما قلوب تحبك موت  
وتحيا بيبك ما تتغير  
ليه انت يا ربي بتسيبهم  
يكون موتهم وتعذيبهم  
بايد أعداء بشر تسود

وأرض الخير

تروح ما تعود

\* \* \*

عتابي وانت أحبابي

وأنا مش رايدة ارجع لك

لأنك وانت أصحابي

سايينا واحنا لك أهلك

فايتنا ننن وبنهلك

واحنا وبختنا وياك

يا نرجع لك نعيش في هواك

يا نتفتت ونتبدد

ولا نعرف نعيش في حماك

\* \* \*

عتابي ياكل أحبابي

وأنا خطاوي بتعود لك

باحبك وانت جواي

ودربك منتهى مناي  
وأرمي يومي وأساي  
وقلبك يبقى أعتابي  
وعندك بانحنى للقاءك  
وأسجد لك  
وأخبي ألمي وعتابي  
وكله يهون  
وادوب في هواك.






# ربيع

ليه قلبي مش راضي يضيع  
والا يقول أنا مش راح ابيع  
لو مرة مات  
في الذكريات  
ودفنته مش هاليس سواد  
ولا يوم هاقول إنه ف حداد  
أنا هازرع الأيام أمل  
واستنى تيجي في الربيع



# وطن

أنا قد ما بأدوب في الألم  
والحزن جواي هرم  
يسحقني بيلي هدمتي  
يزرعني حلم في غربتي  
أرجع أشوفك دنيتي  
أرضي وسماي وفرحتي  
وطني بيرفع ميت علم.



# ميت حنة

قلبي بيبقى ميت حنة  
وأألم  
تروح مني وتتفرق  
ما بين أطفال بتتمزق  
وأهل ودار  
بكا ومرار  
تراب ورجال وبتسلم  
وكله يهون  
ونتكلم

يروح العمر ما يروحشي  
ما تفرقشي  
رغيف المر يتوزع  
ما بين أحلام  
وبين أيتام  
وفي الأيام  
بصهد الجمر باتقطع  
واتفتت  
متين حنة  
وأرجع أو ما أرجعشي  
ما تفرقشي  
ألم بيهون  
مع الآلام.

## سقوط العواصم

أنا الوطن المستباح  
والأرض المحفورة بالدموع  
أنا الوهن والجراح  
والبلد المشطورة للجموع  
حاولت كثير.. وما قدرتش  
أزود عني.. وعن نفسي  
صبرت سنين .. وما شفنتش  
وعود تغني وبترسني  
وشفت الليل معاه الويل  
بيضوي تحت نيرانه  
وصهد ما لو ش مثيل يكوي

ولد حافي بأحزانه  
حاولت اصمد  
وما اسقطشي  
وقلت اسند  
وما اركعشي  
وقفت .. أجمع دواويني  
حميت .. والدب ينهشني  
يفتتني .. ويطحنني  
ويرميني  
ويهدني بنار وحديد  
لهيب وجريد  
وآلف وعيد  
وأنا في ترابي باتمزق  
وأتمزق  
وانفتت .. واتهاوى  
لا فاس في .. فضل يعزق  
ولا دكتور بيه أنداوي



سقطت معاكى يا بغداد  
وقفت اكتب  
ودمى مداد  
بلاش نهرب  
كفاية نقول  
هتسقط فىنا  
كل بتول  
إذا ما كانش فىنا عزم  
نكون وحدة  
تشيل الهم  
نقول كلمة  
تكون ضمة  
تخلينا نشوف الدم  
ضيا لبكرة  
سنا لفكرة  
توحدنا .. وتسندنا  
عشان من تانى لا نسقط

ولا نهمد .. ولا نخمد  
عشان ترجع لنا بغداد  
ولا يضيع من زماننا الزاد  
وترجع لي الليالي معاك  
أعيش فيها وأدوب في هواك  
ويوم ما أسقط .. أكون وياك  
يا وطني .. وأرضي وعيني  
وأيام حلوة مروية  
وأدعي لك أكون في حماك  
ولا تسقط .. ولا نسقط  
ولا يخفت معاك قنديل  
ولا دجلة تضيع ولا نيل  
دا إحنا بيبك بنتوحد  
وإحنا ليك بنتشهد  
ونفضل فيك .. ونمشي بيبك  
ولانسقط .. ولا تسقط.

## حبة ورا حبة

يا وطني بيبك بنتغنى  
وإنت الحب والمغني  
ومش أكثر من الآهات  
بتديها وتجرحنا  
يخبيها ضنا روحنا  
وإحنا بيبك بنتسور  
منى لياليك وبننور  
يروح منك حباينا  
ويبقى العقد متبعتر  
ليالي طوال ما تتغير

بتأخذنا وتدينا  
مش أكثر من هواك فينا  
واحنا بندي أيامنا  
آمانينا وأحلامنا  
عشان ما نشوف لقاك لنا  
بضي سناك يهنيينا  
بلمسة من حنان وأمان  
ولحظة شوق بكون دفيان  
وأيام تبقى ماضيينا  
وحبات عقدك اللولي  
راحت حبة ورا حبة  
وانت في المكان سكران  
بكاس الحب والخلان  
ومش أكثر من الهمسة  
مع اللمسة مع الكلمة  
مع الضمة  
وعيش بايت رغيف خمران

معاه الضيف يكون شبعان  
بأرض ياخذها ومدينة  
ولحد تراب يغطيها  
تدوسنا عليه برجليها  
عشان ترتاح  
ويجي صباح  
وانت بيه تخليها  
ليالي هنية تتمنى  
تعيش بهواك وتستنى  
تجيبها ف يوم  
يعز النوم  
وانت بيها تتهنى  
وهي بيك بتتغنى  
وتتني وتتحني  
وتستنى القيامة تقوم.



## أنا باجري


باجري الاحق خطوتك  
في القرب  
زي البعد  
لما الحب بتغطي معاك  
بالغيرة ويا السهد  
والدرب يبغي لقاك  
بجرح القلب والحيرة  
وادوب في الصب  
ميت حنة  
وأنا وردة

تموت لو كلمتك  
تقسي عليها  
وانت الدار بتسكنها  
تقيد النار في موطنها  
الم وعذاب  
وأيام متسريلة باللوم  
معاه النوم  
يجافيني  
أبات في سكات  
وفي أوهام تحاصرني  
وتملا بالدموع عيني  
ولا تنزل  
مع الأوراق  
مع الكلمات  
تسهرني تبكينني  
تحاورني



تقول إنك  
حبيب جاحد  
لا يوم بتصون هوى  
جاه لك ربيع واعد  
يضيع ما يضيع  
ماهش واخذ  
من الدنيا غير اللحظة  
يعيشها معاك  
ولو لمسة  
ولو همسة  
ولو كلمة تكون لقمة  
تدقي الروح  
تعيش بيها  
وأنا باجري وأغنيها  
وجوه العين أخبها  
واحيلها

واراعياها  
وأنا ضلة وراك تجري  
وفلة تبقى عايزة رضاك  
عشان يفضل هواك يسري  
بأيامي ولياليها.



## الكوبري

الكوبري من فوق وأنا ماشيه عليه ومن  
تحتة، بأتحامى فيه من رجفتي من قسوة الأيام ومن  
بعده، لا أنا قادرة أقول الآه من غربتي اللي مع  
الأحلام تبعترنني وأنا وباه وتتنرنني أشوف نفسي  
بتسبقني مع الآلام بتسحقني وأنا واقفة مع عمرى  
أداري دمعتي والآه بداري ووحدتي وأنا محاطاه  
ألاقي الحزن بيعشش في قصر بنيته ورويته بدمع  
العين وأنا واقفة قدامه ووراه ومش خايفة على نفسي  
أقوم في يوم أشوف يأسى ضناه النوم ويرمي اللوم

وأنا ماشية مع الكوبري ومن تحته وباتحامي وبأبقي  
اتنين واحد وياك بيبقي خطاك وواحد تاني مع قلبي  
مع الأيام ووحداني وبالآلام عايش بهواك.



## إنّ حدودي

يا وطني .. وانت في عيني  
كما الأحلام .. بترويني  
بأحبك وإنّ في قلبي  
وقلبك نبضه من حبي  
وإنّ بيّ تتسند  
وأنا بيبك ما أتفتت  
ومهما دمي راح يسري  
مع أمني براح يجري  
أنا جواك وباتشهد

مني بهواك وباتحدد  
حدودي هي أيامك  
وميلادي وأحلامك  
ومهما الآه .. بتتسور  
وراها الآه .. ما تتحول..  
أنا وبك ما ها تغير  
هاعيش بهواك .. وأستنى  
أشوفني معاك  
وأتمنى  
دروبك تبقي خطاوي  
ويومك يبقى غناوي  
وأدعي لك تعيش وتكون  
مع القلب اللي بات محزون  
وبات نبضه بيغني فيك  
دموع خده بتنده ليك  
وبتقول لك أنا ليا ليك

وانت ارضي وحدودي  
ميلادي ومنتهى ورودي  
وعيشة ندية جواي  
وريشة لوحه لهواي  
وبلدي .. وروحي .. وحدودي.








## أيام المنا

مين بيروي لي أساي  
مين بيسرى في دماي  
تحت جلدي فوق جبيني  
لما ييجي يدوب أنيني  
وافتكرا إنه هنائي  
مش هالاقى غيرك انت  
ينتهي عندك حنيني  
لما نار الشوق بتهدا  
ينطفئ ف قربك أنيني  
جذرة القلب اللي قايدة

تعكس الأحزان في عيني  
وألقي نفسي مش بتبعد  
واسألك علشان تبدد  
خوفي وإنت مش معايا  
ضعفي وإنت في دماي  
حزن أيامي اللي راحت  
والا أيامي اللي جاية  
اللي عاشت ف صباي  
واللي جواي بتسند  
كل أحلامي ويقيني  
لاجل أيامي تجيني  
بالزمان اللي أنت نبضه  
تفضل أنت كل عهده  
كل أحلام الحكايا  
واللي ساكن في زوايا  
عمر أيامي اللي أصبح

وسط أطلالي بقايا  
لسه عايشة جوه نفسي  
رغم أحزاني وبؤسي  
والألم دايمًا بيطحن  
قلبي لما يموت في يأسِي  
وانسحق وياه شظايا  
بس برضه تعيش وتفضل  
مهما يبجي اليوم عليها  
أو يسافر ليلها ليها  
تفضل الأنوار تجيها  
تسهر الأشجار وتكبر  
والورود ترجع وتكثر  
وانت وياي بتقدر  
تزرع الأحلام معاي.



## المحتوى

٣	.....	إهداء
٥	.....	تقديم للدكتور يسرى العزب
١١	.....	١ باعد الليالي
١٥	.....	٢ وجع البعاد
١٩	.....	٣ كآني
٢١	.....	٤ جوه قلبي
٢٣	.....	٥ م الآخر
٢٥	.....	٦ النور
٢٧	.....	٧ صورة
٢٩	.....	٨ راحة الأيام
٣١	.....	٩ رجوع
٣٣	.....	١٠ انصهار
٣٥	.....	١١ محتاجة لحنان
٣٧	.....	١٢ قلب واحد
٤١	.....	١٣ ١ - ٢ - ٣
٤٣	.....	١٤ اللوا
٤٥	.....	١٥ خروج

٤٧	.....	لما تيجي	١٦
٤٩	.....	انت عنواني	١٧
٥٣	.....	عتاب	١٨
٥٧	.....	ربيع	١٩
٥٩	.....	وطن	٢٠
٦١	.....	ميت حتة	٢١
٦٣	.....	سقوط انعواصم	٢٢
٦٧	.....	حبة ورا حبة	٢٣
٧١	.....	انا باجري	٢٤
٧٥	.....	الكويري	٢٥
٧٧	.....	انت حودي	٢٦
٨١	.....	ايام الهنا	٢٧

## صدر من مطبوعات الفجر

١	تغريبة عبر زاق الهلالي	د. اما شعريّة	د. يسري العزب
٢	الهاموش	قصص	حسن نور
٣	المبعدون	قصص	إدريس علي
٤	حكايات مصرية	قصص	د. نجدي إبراهيم
٥	الدائرة	رواية	د. نجدي إبراهيم
٦	شجرة مريم	شعر	د. يسري العزب
٧	تأملات في الفن والثقافة	نقد	د. محمد حسن عبدالله
٨	أمسيات عائلية هادئة	قصص	منتصر ثابت
٩	شجر الليمون	شعر	خالد الشوقاتي
١٠	عصفور الحب	شعر	نجاه خليل
١١	حتى لا يطول الانتظار	قصص	محمد نور الدين
١٢	اكتب عمري	شعر	ليلي محمد علي
١٣	زائر بعد منتصف الليل	رواية	مديحة أبو زيد
١٤	خاطنة في الجنة	رواية	يحيى سليمان
١٥	النملة والحداية	شعر للأطفال	عزت زايد
١٦	واحد اثنين	شعر للأطفال	عزت زايد
١٧	المراهن	رواية	سيد أمين
١٨	فيكي ايه يتحب؟!	شعر	جلال صياد
١٩	فرس جامح	شعر	ليلي محمد علي
٢٠	حريم الملح والسكر	مسرحية	محمد الفيطي
٢١	قمر المغارب	شعر	د. يسري العزب
٢٢	الدنيا جاية	شعر	د. فاطمة الحفني
٢٣	أد يا وطن	شعر	منى عوض
٢٤	تخاريف	شعر	نبيل أبو السعود
٢٥	ليلة دافنة	قصص	فرج محمود
٢٦	ضاح الطريق مننا	شعر	عبد الحميد فرج
٢٧	بشرة خير	شعر	مجدى حمودة
٢٨	بين الضفتين	رواية	فرج محمود
٢٩	انت عنواني	شعر	منى عوض

رقم الإيداع ٢٠٠٥/٨٦٧٨

**زود للطباعة والكمبيوتر**